



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐԻ
ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ
Վ. ԶԻԼԱՎՅԱՆ



« 05 » 06 2020թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 000043

Ձեռնարկողը՝

«Արաբկիր» ԲՀ-ԵԴԱԻ ՍՊԸ
Ք. Երևան, Մամիկոնյանց 30

Գործունեությունը՝ Արաբկիր վարչական շրջանի Վ. Փափազյան 32 հասցեում
նախադրեսվող բժշկական կենտրոնի կառուցման շրջակա
միջավայրի վրա ազդեցության նախնական գնահատման հայտ
Ք. Երևան

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Ա. Դոնդյան

Առդիր եզրակացությունը՝ 4 թերթ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 000043

< 05 > 06 2020թ.

**Արաբկիր վարչական շրջանի Վ. Փափազյան 32 հասցեում նախատեսվող
բժշկական կենտրոնի կառուցման շրջակա միջավայրի վրա ազդեցության
նախնական գնահատման հայտ**

Ներածական մաս

Ձեռնարկող՝

«Արաբկիր» ԲՀ-ԵԴԱԻ ՍՊԸ

Փաստաթղթի տեսակը՝

Շրջակա միջավայրի վրա ազդեցության
նախնական գնահատման հայտ
/Գ կատեգորիա/

Տեղադրման վայրը՝

ք. Երևան, Արաբկիր վարչական շրջան

«Արաբկիր» բժշկական համալիր-երեխաների և դեռահասների առողջության ինստիտուտ» /«Արաբկիր» ԲՀ-ԵԴԱԻ/ ՍՊ ընկերության կողմից /այսուհետ՝ Ընկերություն/ Երևան քաղաքի Արաբկիր վարչական շրջանի Վ. Փափազյան փողոց 32 հասցեում նախատեսվում է կառուցել բժշկական կենտրոն: Բժշկական կենտրոնը նախատեսված է հաշմանդամ երեխաների օրթեզավորման, պրոթեզավորման և բժշկական վերականգնողական աշխատանքների համար:

Նկարագրական մաս. Բժշկական կենտրոնի նախագծման համար հիմք է հանդիսացել Երևանի քաղաքապետարանի կողմից 07.06.2019թ. տրվել է N 01/18-07/1-N-825-489 նախագծման թույլտվությունը (ճարտարապետա-հատակագծային առաջադրանք): Համաձայն նախագծի՝ բժշկական կենտրոնը կառուցվելու է անշարժ գույքի սեփականության իրավունքի գրանցման N 2200342 վկայականով /տրվ.՝ 30.10.2007թ/ ամրագրված Ընկերությանը սեփականության իրավունքով պատկանող հողամասի սահմաններում, որտեղ ներկայումս գործում է Ընկերության վերականգնողական մասնաճյուղը: Հողամասում առկա է 1656.8քմ և 1145.7քմ մակերեսներով մասնաշենքեր, կաթսայատուն, պահեստ, ավտոտնակ, ենթակայան և այլն: Հողամասի նպատակային նշանակությունը բնակավայրերի է, օգտագործման նպատակը՝ բժշկական կենտրոնի ապաստարկման համար: Բժշկական կենտրոնի հարևանությամբ՝ 25-30մ հեռավորության վրա, գտնվում են հասարակական և բնակելի նշանակության շենք-շինություններ, տարածքը ցանկապատված է: Կառուցապատվող տարածքը ասֆալտապատ է, տարածքում քանդակված են: Կառուցապատվող տարածքում քանդակված են: Տարածքին կից գտնվում է Վ.Փափազյան փողոցը, որից էլ ապահովվելու է բժշկական կենտրոնի մուտքը և ելքը:

Նախագծված է մեկ հարկանի, մասամբ նկուղային հարկով շինություն՝ 26 2*24.8 մ առանցքային չափերով: Կառույցի 0.00 նիշը համապատասխանում է 1133.4 բացարձակ նիշին: Նկուղային հարկի մակերեսը արտաքին չափերով 68.0 քմ է, նախատեսված է

օգտագործել որպես պահեստային տարածք: Առաջին հարկի մակերեսը 670.0 քմ է, այն ունի նախասրահ, ընդունարան, բժշկների և հիվանդների համար նախատեսված սենքեր և սանհանգույցներ: Կառույցի տանիքը երկլանջ է, ջրահեռացումը՝ կազմակերպված: Նախագծով նախատեսված է թեքահարթակներ՝ բնակչության սակավաշարժ խմբերի համար: Արտաքին երեսապատումը նախատեսված է իրականացնել տուֆե և բազալտե սալերով: Տարածքի կառուցապատումից ազատ մասերը նախատեսվում է ասֆալտապատել:

Կառույցի տեխնիկատնտեսական ցուցանիշներն են.

-ողամասի ընդհանուր մակերես՝ 9369,7 քմ,

-տարածքում առկա կառուցապատում՝ 2982.3 քմ,

-կառուցապատման մակերեսը՝ 0.00 նիշում 670.0 քմ,

-կառուցապատման %՝ 7.15,

-շենքի ընդհանուր մակերեսը արտաքին չափսերով՝ 738.0 քմ,

-առավելագույն բարձրությունը համահարթեցման նիշից՝ 8.95 մ:

Բժշկական կենտրոնի կառուցման ներքին և արտաքին ցանցերը միացվում են հիվանդանոցի տարածքում գործող ցանցերին: Բժշկական կենտրոնի ջրամատակարարումն ու ջրահեռացումն իրականացվելու են համաձայն «Վեոլիա Ջուր» ՓԲ ընկերության կողմից տրամադրված տեխնիկական պայմանի: Սառը ջրամատակարարման համար նախատեսված է մետաղապլաստե խողովակներ /տրամագծերը՝ 32, 25 և 20 մմ/: Կոյուղագծի խողովակաշարերն անցկացվելու են $d=50-110$ մմ տրամագծի պոլիմիդիլորիդային խողովակաշարով: Բժշկական կենտրոնի ջեռուցումը կիրականացվի «Արաբկիր» ԲՀ-ԵԴԱԻ/ՍՊ ընկերության գործող կաթսայատնից:

Շինարարական փուլի ընդհանուր տևողությունը հաշվարկվել է 24 ամիս: Բժշկական կենտրոնի շինարարության ընթացքում հանված գրունտը կարճաժամկետ կպահվի շինհրապարակում, որի մի մասը կօգտագործվի հետլիցքի նպատակով, իսկ մնացածը կբարձվի ավտոինքնաթիփեր և կտեղափոխվի: Հողային աշխատանքներից առաջացող հանույթի 1161 մ³ ծավալից 455 մ³-ը կօգտագործվի հետլիցքի համար: 706 մ³ գրունտի մնացորդային քանակը, շինարարության ընթացքում առաջացող՝ 15 մ³ ծավալով շինարարական աղբի հետ միասին կտեղափոխվի Երևանի քաղաքապետարանի կողմից հատկացված աղբավայրեր: Շինարարական մեքենաների տեխնիկական սպասարկումը և վերանորոգումը նախատեսված է իրականացնել մասնագիտացված կետերում: Բետոնի և շաղախի առաքումն իրականացվելու է Երևան քաղաքի մոտակա բետոնաշաղախային հանգույցներից՝ մասնագիտացված տրանսպորտային միջոցներով:

Շինարարության ժամանակ ջուրն օգտագործվելու է տարածքների ջրցանման, հողի/գրունտի խոնավեցման և շինանձնակազմի խմելու-կենցաղային կարիքների համար: Տեխնիկական ջրօգտագործումը /որը ընդհանուր կկազմի 270 մ³/շին. ժամանակահատված/, շինհրապարակ կբերվի պայմանագրային հիմունքներով՝ ջրատար մեքենաներով: Իսկ **շինանձնակազմի** տնտեսակենցաղային կարիքների՝ 250 մ³/շին ջրածախսը կապահովվի գործող բժշկական համալիրից:

Նոր կառուցվող բժշկական կենտրոնի շինարարության ընթացքում շրջակա միջավայրի վրա ազդեցությունները և ռիսկերը հիմնականում պայմանավորված կլինեն շինարարական աշխատանքների ընթացքում անօրգանական փոշու և ծխագազերի ժամանակավոր արտանետումներով, որոնք կարող են առաջանալ հողային աշխատանքներից և տեխնիկական միջոցների աշխատանքից՝ դիզվառելիքի այրման արդյունքում: Շինարարական աշխատանքների ընթացքում հնարավոր ազդեցությունները կանխարգելելու նպատակով հայտում ներկայացվել է բնապահպանական միջոցառումների ծրագիր: Մթնոլորտային օդի պահպանության նպատակով նախատեսված է՝

- շինարարության ընթացքում պարբերաբար ջրցանի իրականացում /օրական 2-3 անգամ/,

- շինարարական տեխնիկայի և փոխադրամիջոցների տեխնիկական վիճակի ստուգում՝ իրականացնելով կարգավորում,

- շինարարական նյութերի (ավազ, խիճ, հողային զանգված և այլն) տեղափոխում փակ ծածկով մեքենաներով,

- շինհրապարակում սորուն նյութերի պահեստների ծածկում համապատասխան բարձրությամբ թաղանթով՝ փոշու տարածումը կանխարգելելու նպատակով,

- շինարարական աշխատանքների ժամանակ շենքի ծածկում՝ փոշու տարածումը կանխող համապատասխան ցանցով:

Հողային ռեսուրսների և շրջակա տարածքների պահպանության նպատակով՝ շինարարական նյութերի և քայուղերի ժամանակավոր պահեստները նախատեսված են տեղադրել բետոնապատ մակերեսի վրա, իսկ նավթանյութերի արտահոսքի հավանականությունը կկանխվի շինարարական աշխատանքներում սարքավորումների և մեքենաների պատշաճ տեխնիկական վիճակ ապահովելով:

Շինարարության ընթացքում հոսքաջրերի և անձրևաջրերի հեռացման համար, շինհրապարակին կից նախատեսված է պարզարան, որտեղ հոսքաջրերը կենթարկվեն մեխանիկական նստեցման, որից հետո պարզեցված ջուրը կրկին կօգտագործվի տարածքի ջրցանման համար, իսկ առաջացած նստվածքը կհեռացվի որպես շինադբ:

Շինարարության ընթացքում առաջացող թափոնների ճիշտ կառավարման համար կարևորվում է հետևյալ միջոցառումների իրականացումը.

- շինարարության արդյունքում գոյացող թափոնների հավաքման վայրերի և հեռացման ուղիների նախապես որոշում,
- վտանգավոր նյութերի հետ աշխատելու և պահեստավորելու ընթացակարգերի մշակում և իրականացում,
- արտակարգ իրավիճակների համար պատասխանատու անձի նշանակում, ով մշտապես ներկա կգտնվի շինհրապարակում,
- վտանգավոր արտահոսքերի դեպքում, անմիջապես կլանիչ նյութով առաջացած հետքերի մաքրում:

Շինարարության ընթացում հարակից տարածքների համար աղմուկի հնարավոր ազդեցությունը նվազեցնելու նպատակով նախատեսված է շինարարական աշխատանքների և տրանսպորտային երթևեկության կազմակերպում ցերեկային ժամերին, աղմուկ առաջացնող մեքենաների և սարքավորումների օգտագործումից խուսափում, խլացուցիչների տեղադրում, տեխնիկական միջոցների պարբերաբար ստուգում և կարգաբերման իրականացում:

Որպես սոցիալական հնարավոր ազդեցությունների մեղմման միջոցառումներ՝ նախատեսված է նաև շինհրապարակի հարևանությամբ ցուցանակների տեղադրում, ժամանակավոր անցուղիների նախատեսում, երթևեկության կանոնակարգում և այլն:

Ներկայումս գործող բժշկական կենտրոնի տարածքը կանաչապատված և բարեկարգված է: Լրացուցիչ կանաչապատում չի նախատեսվում, կանաչապատ տարածքները կհամալրվեն ծաղկի թփերով:

Շինարարական աշխատանքների իրականացման ընթացքում նախատեսվում է իրականացնել շրջակա միջավայրի վրա բացասական ազդեցության կանխարգելման/մեղմացման ուղղված մշտադիտարկումներ /մթնոլորտային օդի և հողի աղտոտվածություն, աղմուկ, թրթռում/: Հայտում ներկայացվել է մշտադիտարկումների իրականացման ժամանակացույցերի և ծախսերի վերաբերյալ տեղեկատվություն /որը շինարարության ընթացքում ծախսերը գնահատվել են 500,000 հազ. ՀՀ դրամ որամ:

Պարճառաքանական մաս. նախնական գնահատման և փորձաքննության փուլերում, ՀՀ օրենսդրությամբ սահմանված կարգով, Երևան քաղաքում անցկացված հանրային քննարկումներում գործունեության իրականացումը մասնակիցների կողմից արժանացավ հավանության: Փորձաքննության ընթացքում հաշվի է առնվել նաև քաղաքապետարանի կարծիքը:



Ամփոփելով հայտի բնապահպանական և սոցիալական ազդեցությունների վերլուծությունները՝ կարելի է եզրահանգել, որ նախատեսվող գործունեության իրականացման արդյունքում շրջակա միջավայրի վրա հնարավոր բացասական ազդեցությունները, որոնք առնչվում են շինարարական աշխատանքների հետ, կկրեն ժամանակավոր և տեղայնացված բնույթ և կլինեն թույլատրելի նորմայի սահմաններում: Դրանք շինարար-կապալառուի կողմից կարող են բացառվել կամ մեղմվել գործունեության ընթացքում բնապահպանական մեղմացնող միջոցառումների արդյունավետ իրականացմամբ:

Փորձաքննական պահանջներ

- Շինարարական աշխատանքների ընթացքում առաջացող տարբեր տեսակի թափոնների և մնացորդային գրունտի հեռացումն ու տեղադրումն անհրաժեշտ է իրականացնել ՀՀ օրենսդրությամբ սահմանված կարգով՝ Երևանի քաղաքապետարանի հետ համաձայնեցված:
- Շինարարական աշխատանքների համար անհրաժեշտ բետոնի և շաղախի տեղափոխումը շինհրապարակ իրականացնել հայտում նախատեսված ձևով՝ բետոնաշաղախային հանգույցներից, մասնագիտացված տրանսպորտային միջոցներով:
- Շինարարության ընթացքում անհրաժեշտ է պահպանել բնապահպանական կառավարման և մոնիթորինգի պլաններում նախատեսված միջոցառումների իրականացումը և ժամանակացույցերը:

ԵԶՐԱՓԱԿԻՉ ՄԱՍ

«Արաբկիր» ԲՀ-ԵԴԱԻ ՍՊ ընկերության կողմից ներկայացված Արաբկիր վարչական շրջանի Վ. Փափազյան 32 հասցեում նախատեսվող բժշկական կենտրոնի կառուցման շրջակա միջավայրի վրա ազդեցության նախնական գնահատման հայտին տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Մասնագետ



Հ. Մկրտչյան